

445

469

Bosna i Hercegovina
Federacija Bosne i Hercegovine
KANTON SARAJEVO

MARIO VUKASOVIĆ
PARLAMENTARNA GRUPA „ODGOVOR“
Zastupnik u Skupštini KS

03-04-2017			
01			

SKUPŠTINA KS
n/r Predsjedateljica Skupštine KS

Sarajevo, 03.04.2017.

PREDMET : AMANDMANI NA PRIJEDLOG ZAKONA O SREDNJEM OBRAZOVANJU KS

AMANDMAN BR 1.

Član 5.

(Zabrana diskriminacije i političkog djelovanja)

Stav(5) mjenja se i glasi:

(5) U školi se može uvesti video-nadzor, s ciljem zaštite sigurnosti učenika i osiguranja boljeg kvaliteta eksterne provjere znanja, u skladu sa Zakonom o zaštiti ličnih podataka BiH.

Obrazloženje:

Zakon o zaštiti ličnih podataka BiH propisuje lex specialis postupanje kontrolora i obrađivača ličnih podataka. Ovo dobija posebno na snazi obzirom da se radi o većinski maloljetničkoj odnosno dječijoj populaciji. Ovaj stav je potrebno ili brisati ili ga uskladiti sa zakonom o zaštiti ličnih podataka. Dodatak u amandmanu koji se predlaže je pravni minimum za opstojnost ove odredbe.

AMANDMAN BR 2.

Član 10. (Izborni predmeti)

Stav (4) mijenja se i glasi:

(4) Škola je dužna osigurati uvjete da učenici pohađaju nastavni predmet vjeronauku/vjeronauk, a učenicima koji ne pohađaju vjeronauku/vjeronauk omogućit će se pohađanje jednog od alternativnih predmeta za koji se opredijeli većina učenika.

Objasnenje:

Potrebno je uskladiti u skladu sa Zanonom o osnovnom odgoju i obrazovanju u Kantonu Sarajevo te učenicima koji ne pohađaju vjeronauku obezbijediti pravo na pohađanje alternativnih predmeta.

AMANDMAN BR 3.

U članu 147. Brisati tekst i alineje (c) i dodati slijedeći tekst :

c) na prijedlog komisije za utvrđivanje prijedloga za izbor radnika škole vrši postavljanje najuspješnijeg radnika sa rang liste koju dostavi komisija i sa njima zaključuje ugovor o radu, odnosno donosi rješenje o prestanku ugovora o radu.

Objasnenje :

Smatram da je bitno da prijem radnika bude transparentan i da se prime oni radnici koji imaju najviše bodova u odnosu na dosadašnje rješenje koje je izvor nepotizma i korupcije. U Kantonu Sarajevo se nalazi isto rješenje u Zakonu o državnoj službi KS te smatram da dobru praksu treba slijediti.

AMANDMAN BR 4.

Član 142. Stav (3) mijenja se i glasi :

„Školski odbor srednje škole, srednjoškolskog i školskog centra kao javne ustanove izvan područja Grada broji šest članova i to : jedan predstavnik osnivača kojeg predlaže Ministarstvo – predsjednik, jedan predstavnik općine na čijem području se nalazi škola kojeg predlaže općinsko vijeće, dva predstavnika vijeća roditelja i dva predstavnika radnika škole koje predlaže sindikat“.

Analogno stavu (3) izvršiti i izmijenje i dopune stava (4)

Obrazloženje

Neophodno je depolitizirati školski odbor kao organ upravljanja u školi, kako bi upravljanje školom bilo oslobođeno utjecaja politike i sukoba interesa, predloženo rješenje sa „zlatnim glasom“ diskriminira predstavnike roditelja i radnika.

AMANDMAN BR. 4

Član 181.

(Radnici zatečeni na radu u srednjoj školi)

Dodaje se novi stav u članu 181, stav 4) koji glasi :

(4) Radnici koji rade sa višom spremom na mjestu sekretara škole, a za to radno mjesto je pedagoškim standardima i normativnima te Pravilnikom o sistematizaciji radnih mjesta predviđen VII stepen, a sa danom stupanja na snagu ovog zakona imaju više od 20 godina radnog staža, ostaju na svojim poslovima i radnim zadacima, nisu dužni sticati viši stepen stručne spreme od one koju posjeduju niti su dužni polagati stručni upravni ispit za visoku stručnu spremu ili ispit općeg zannja za državnu službu na nivou Bosne i Hercegovine.“.

Obrazloženje :

Prijedlogom Zakona o srednjem obrazovanju povrijeđena su stečena prava iz radnog odnosa navedenih lica, jer radnik koji je zasnovao stalni radni odnos, u skladu sa zakonom i pedagoškim standardima koji nisu predviđali polaganje stručnog ispita, može da nastavi sa radom, bez obzira da li ima položen bilo kakav stručni ispit, ili ne.

Obzirom da je prvi put Zakonom o srednjem obrazovanju iz 2010. godine, propisano da : „Lica zatečena na poslovima sekretara škole koja na dan stupanja na snagu imaju najmanje 15 godina radnog iskustva na pravnim poslovima, nisu obavezna polagati stručni ispit“, radi se o stečenim pravima koja se ne mogu mijenjati. Novi zakon mora pratiti prethodni zakon kako ne bi došlo do povrede prava radnika. U ovom slučaju očito je, da sekretari škola koji su, na dan 1.12.2011. godine zatečeni na poslovima sekretara i imali 15 godina, nisu obavezni polagati stručni ispit. Obzirom da ministar nije donio bliže propise o polaganju stručnog ispita za sekretare škola i da su sekretari škola samoinicijativno polagali stručne ispite kod Agencije za državnu službu F BiH. Radi se o indirektnoj diskriminaciji radnika po članu 8. Stav (4), a u vezi člana 10. Stav (1), alineja b. i c. Zakona o radu („Sl. Novine F BiH“, br 26/16). Svrha koja se želi postići članom 181. Predloženog zakona nije opravdana.

AMANDMAN BR 5.

Član 127. Stav (2) mijenja se i glasi :

(2) Rad radnika se sistematično prati i ocjenjuje na osnovu pravilnika koji donosi ministar uz konsultaciju sa sindikatom.

Obrazloženje:

S obzirom da se radi o materiji koja može utjecati na radno-pravni i socijalni status radnika, smatram da je bitno da u ovom slučaju bude konsultovan i sindikat.

Ministar bi i dalje imao pravo da donese ministar sam, no kao oblik socijalnog dijaloga pozitivno rješenje bi bilo da se donese uz konsultacije sa sindikatom.

AMANDMAN BR 6.

Član 180. Stav (1) Prijedloga zakona mijenja se i glasi :

(1) Za sve učenike do navršene njihove 18. godine života srednje obrazovanje u trajanju od tri godine je obavezno.

Obrazloženje :

Smatramo da je trenutno zakonsko rješenje loše jer dvije godine srednje škole učenicima ne pruža nikakvu stručnu spremu.

S ciljem podizanja nivoa obrazovanja mladih smatram da moramo uvesti obavezno trogodišnje srednjoškolsko školovanje.

AMANDMAN BR. 7

Član 146. Stav (5), koji se odnosi na mandat direktora mijenja se i glasi :

(5) Direktor škole se imenuje na period od četiri godine s mogućnošću ponovnog izbora uz ograničenje od najviše dva uzastopna mandata u istoj školi.

Zastupnik u Skupštini KS



MARIO VUKASOVIĆ